

Fula - Deftere - Promises Scriptures

Laataanooji 20:6 Jehovah wi'i mo nder koydol: "Min boo mi anndi a huuwi dum bee bernde laabnde. Ngam maajum mi hadi ma wadugo hakke dow am. Mi accaay ma a meema mo.

Gurtaaki 35:21,26 Koomoy mo bernde muudum ummini dum, e koomoy mo ruuhu muudum saahini dum, wari, waddani Jawmiraawo dokkal ngam wadugo laymaaru fottirde e kuugal nder maaru fuu, non boo ngam limce ceniide. 26 Rewbe waawbe fuu be berde muudum'en ummini dum, motti gaasa be'i.

Limle 10:35 Koondeye sundukru alkawal ummi, Muusa wi'a: "Umma, ya Jawmiraawo, haa konne'en ma cañkito, wanybe ma ndogga yeeso maada!"

Tooktaaki Tawreeta 2:25 Hande puðdanmi hulnugo ummaatooje kootoy fuu ngam daliila moodon. To be nani habaru mon, be ndiwan ngam kulol."

Tooktaaki Tawreeta 9:3 Annde jonta: Jehovah Jawmiraawo mon bee hoore mum ardoto on, o don nandi bee yiite wulooye. O do'an be yeeso moodon, haa on ndiiwa be, on nattina be law, bana Jawmiraawo wi'i on.

Yosuwa 2:9 O wi'i be: "Mi anndi Jawmiraawo hokki on lesdi ndi. Kultoreengol ngam moodon ukki dow amin, berde yimbe fuu nder lesdi ta'i."

1 Samuyila 17:48,50 Filistijo baditi ngam fotta bee Daawuda. Daawuda boo yaawdi ngam fotta bee maako, 50 Bana ni Daawuda jaalori Filistijo bee piwlol e hayre, mbari mo. O walaa kaafahi.

Asta 8:17 Kootoy nder lesde haa umroore laamiido yotti fuu, seyo e welwelo laatani Yahuudu'en, be mbadi nyaamduuji e nyalde juulde. Yimbe duudbe nder lesde njabi diina Yahuudu'en, ngam kulol Yahuudu'en ukkani be.

Ayuba 29:14 Sooynde aybe borniimi, dum limce am, meetaleewol e jaage, non goonga am.

Balndi 13:11 Jawdi moobtaandi bee jaawal jinnan jaawdum, moobtando sedda sedda besdan ndi muudum.

Balndi 13:22 Booddo hebnan taaniraabe mum ndonngu, ammaa jawdi baddo hakke laatanto goongaajo.

Balndi 22:22,23(23:1) Taa jabtu laafudo ngam o laafudo, taa fewnu goonga leesdo yeeso kiita, 23 ngam Jawmiraawo timminan haala mabbe, o jabtan jabtube be ngeendam.

Esaaya 35:8 Buuwol laatoto ton, bi'eteengol Laawol-ceniingol. Cobdo yahataa dow maagol, sey yimbe Jawmiraawo tan. Tokkiido ngol, koo famda-hakkiiloojo boo, majjataa.

Esaaya 43:2 To a ta'i caka ndiyam, min mi wondan bee ma, maaje cuddataa ma. To a ta'i caka yiite, a wulataa, demŋgal yiite naawnataa ma.

Esaaya 49:25 Jawmiraawo don wi'a: "Nonnon, be njabtan koo habbaabe

cembiddo boo. Kebal mardo baawde dadan. Min maa, mi honan mo honete. Min mi hisnan bikkoy ma.

Esaaya 54:17 Ammaa walaa balmol waawan naawnugo ma. A aybinan wullotoobe ma fuu. Min Jawmiraawo mi aynan teddinoobe yam, mi hokkan be jaalorgal." Non Jawmiraawo wi'i.

Esaaya 59:17,19 O borni goonjaaku bana sulke, o wadi kisndam dow hoore maako bana hufneere njamndi. O borni muuyo waataago bana limce. 19 Koomoy fuu, diga fuunaanje haa hiirnaanje, hulan innde Jawmiraawo e tedduŋgal muudum. Ngam o waran bana coofol billiingol ngol hendu saatundu yerbata dum.

Esaaya 61:10 Urusaliima don mangta: "Mi don seyo, mi don seyoro Jawmiraawo. Yoŋki am don welwelta ngam Jehovah am. Ngam o borni yam limce kisndam, o moji yam bee alkibbaare jaalorgal. O wadi yam bana baŋdo meetando meetaleewol, bana baŋgeteedo pawniido bee fawne muudum.

Ejekiyel 22:30 Mi dabbitti goddo darnando mahol, darotoodo nder ceekli maagol ngam aynugo lesdi, saa'i mi yoofata tikkere am ngam halkugo ndi. Ammaa mi tawaay koo gooto.

Ejekiyel 45:8 Tayre man laatoto gedal laamiido haa lesdi Isra'iila, ngam taa o meeta billugo yimbe, ammaa o acca le'i Isra'iila mara luttudum lesdi.

Daniyel 4:16 Ammaa Daniyel, bi'eteedo boo Belcasar, hultori masin, waawaay dimbaago. Laamiido wi'i: "Belcasar, taa hul ngam koydol e habaru maagol." Belcasar jaabi: "Barkaama, koydol ngol e maana muudum laatoma dow konne'en ma e wanywanybe ma!

Daniyel 7:4 Arana nandi bee mbarooga, woodi bileeji bana dutal. Saa'i mi don laara, goddo doofi bileeji maaga, efti nga, darni nga dow kosde maaga bana neddo. Nden nga hebi hakkiilo bana neddo.

Jekariya 4:6 Malaa'ikaajo wi'i yam: "Ndaa wolde Jawmiraawo ngam Jorobaabila: Naa bee baawde konu, naa bee sembe ma, sey bee Ruuhu am tan! Non Jawmiraawo honoobe asama wi'i.

Matta 24:22 Jehovah usti limgal nyalde maajum, to naa non, walaa yoŋki luttata. Ammaa o usti nyalde maajum ngam subaabe maako.

Matta 26:41 Ayne, tore Jehovah, ngam taa on nasta jarribeeki. Ruuhu neddo yidi dowtaago, ammaa bandu mum tampi."

Markus 10:48-52 Duudbe telbani mo, mbi'i mo o jeedo, ammaa kaŋko o burti hoolugo: "Bii Daawuda, endam!" 49 Yeesu dari, wi'i: "Ewne mo." Be ewni bumdo go, be mbi'i mo: "Tiddin bernde ma, umma, o don ewne." 50 Kaŋko o wudini borgoore maako, o ummi, o wari haa Yeesu. 51 Yeesu ?ami mo: "Dume a yidi mi huuwane?" Bumdo jaabi: "Moodibbo, haa mi hebta gite am." 52 Yeesu wi'i mo: "Wumtu, nuddinki ma hisni ma." Law o hehti gite maako, o tokki Yeesu dow laawol muudum. (Matta 20:30-34)

Markus 16:20 Pukara'en ndilli, ngaajini linjiila kootoy fuu. Jawmiraawo boo huuwdi bee mabbe, goonđini waaju mabbe bee hokkugo be alaamaaji

baawde go.

Luka 14:23 Jaagordo wi'i suka: Yah kombi buuwi e laabi pamari, a doola be a tawi haa ton fuu, be ngara, haa saare am heewa.

Luka 21:15 Ngam mi hokkan on hunduko e hikma, haa konne'en mon mbaawataa waabaago e do"ugo on.

Luka 21:36 Ngam maajum pine, mbade do'a wakkati fuu, ngam haa kebon sembe dadugo kuuje garande de fuu, daraago yeeso 'Bii-neddo boo."

Yuhanna 17:15 Mi torataako ma ngam a wurtina be duniyaaru, ammaa a hisna be juŋŋo Kalludo.

Kuude Nelaabe 11:23 Nde o yotti, o yi'i no Jehovah barkidiniri yimbe man, o seyi, o wi'i be sey be koolo Jawmiraawo bee goonja e bernde woore.

Kuude Nelaabe 13:48 Nde yimbe ummaatooje nani dūm, be ceyi, be mangti habaru Jehovah. Subaabe ngam be keba ngeendam nduumiidam, be nuddini.

1 Korintu'en 10:13 Jarribooje kebde on, don keba yimbe fuu. Ammaa Jehovah o koolniido, o accataa on njaribe ko buri sembe mon. To o jarribake on, o hokkan on sembe munyango dūm boo haa on kisa.

1 Korintu'en 16:9 Ngam mi hebi baawde huuwugo kuugal mangal nafooval haa do, koo nde konne'en duudani yam boo.

2 Korintu'en 12:9 Ammaa o jaabi yam: "Mo"ere am he'an haaje ma fuu. Yaake a tampudo, baawde am buran huuwugo nder maada." Jonta munyananmi tampe am bee seyo, mi don juroro de boo, ngam haa baawde Almasiihu ngonda bee am.

Efesu'en 6:11 Koo'e balmi Jehovah fuu ngam haa on keba dartanaago dabareej iblisa.

Ibraniŋko'en 1:7,14 Ndaa ko Jehovah wi'i dow malaa'ika'en: "Jehovah don laatinia malaa'ika'en muudum keni, suka'en muudum boo demde yiite." 14 'Beye ngoni malaa'ika'en? Be ruuhuji, be don kuuwana Jehovah. Jehovah don nela be ngam haa be mballa hebanbe kisndam.

Yakuba 4:7 Ngam maajum tuubane Jehovah. To on ndartake Saydaanu, o doggan on.

1 Piyer 5:10 Ammaa to on njari bone wakkati sedda, mardo mo"ere fuu, waato Jehovah bee hoore muudum laatinan on on timmube. O darnan on, o sembidinan on, haa on ndaro boodum bana dow tapaare. Nder Yeesu Almasiihu, o don ewno on haa on kawta bee maako nder teddungal maako duumiingal.